

Visoki predstavnik imenovao članove Vijeća CRA

Visoki predstavnik, Wolfgang Petritsch, je danas donio Odku kojom imenuje članove Vijeća Regulatorne agencije za komunikacije. Uloga Vijeća je da regulatornij Agenciji za komunikacije daje smjernice o strateškim pitanjima emitovanja i telekomunikacijske politike. Ono će takoće biti i drugostepeni organ kojem će se podnositi žalbe na odluke CRA. Vijeće će odigrati vrlo bitnu ulogu u daljem razvoju industrije komunikacija u BiH.

Novi članovi Vijeća su Vlatko Določek, profesor tehničkih nauka na sarajevskom Univerzitetu, Mahir Hadžiahmetović, predsjednik bh. Privredne komore, Mehmed Husić, novinar, Branko Perić, novinar, Brian Fontes, stručnjak za telekomunikacije iz SAD-a, Clare Mulholland, stručnjak za radiodifuzni sistem iz Velike Britanije, i Robert Taylor, konsultant za telekomunikacije i javnu politiku. Gospodin Fontes je imenovan za predsjedavajućeg Vijeća. Za njegovog novog zamjenika je imenovan gospodin Perić, dok gospođa Mulholland zadržava tu istu funkciju koju je obavljala u prethodnom sastavu Vijeća.

Novoimenovani članovi Vijeća, inače vrsni stručnjaci u svojoj oblasti, počinju sa radom 8. decembra. Neki od njih su bili članovi Vijeća Nezavisne komisije za medije, jedne od organizacija koje su prethodile Regulatornoj agenciji za komunikacije.

S obzirom da je Vijeće imenovano, Visoki predstavnik poziva bh. organe vlasti da finaliziraju zakonski okvir za emitovanje i telekomunikacije, kako bi se građanima BiH obezbijedile usluge većeg kvaliteta, i to po nižim cijenama. Visoki

predstavnik naročito apelira na Vijeće ministara da što prije odobri Plan aktivnosti u oblasti telekomunikacija kojeg je CRA dostavila Vijeću ministara još u septembru, nakon obimnih konsultacija sa svim relevantnim agencijama i firmama iz oblasti telekomunikacija. Plan aktivnosti sadrži sve ključne mjere neophodne za smanjenje cijena i poboljšanje kvaliteta usluga i dobio je široku podršku. Visoki predstavnik takođe poziva Vijeće ministara da Parlamentu što prije dostavi tekst Zakona o komunikacijama. Zakon o komunikacijama obezbjeđuje zaštitu interesa korisnika usluga putem efikasnog regulatora na nivou države, što je i preduvjet za pravičan i efikasan sektor emitovanja i telekomunikacija u BiH.